

35

30

25

20

15

10

星巖集

丙集

卷之三

津田文庫

文庫 1

1685

5



星巖丙集卷四

美濃

文庫

梁

緯

公圖

問津集

起己丑九月盡庚寅二月

九月十五日發大垣抵桑名舟中三首

不_レ卧_サ故山秋行筈又遠游初程百八里_{南接勢州聚落者凡百八里人呼百八里}全室一孤舟霜葉明墟落寒潮撼浦樓勞勞何限意低首愧沙鷗

北來復南去雙鷗自成班逝水流何急浮雲跡未閒夕陽歸鳥渡秋翠卧龍山風景長如此那堪屢往還潮逆欲十里風來時一吟岸蘆寒戰戰洲靄暮沈沈衣

薄露偏集醉輕愁易侵海城今夜月初照故園心

舟泊桑名城下

遠水無波日已沈萬牆矗矗立如林青樓翡翠他年夢
白露蒹葭此夕心斷續弄風江叟笛丁東搗月女郎礁
聲聲未肯無情思來和蓬窓半夜吟

四日市驛食花蛤戲題一絕句示伊達子真原

潛玉二子

十五年前人是蝶尋紅逐紫醉千場重來無復風流夢
只喫一盆花蛤湯

李王溪詩春窓一覺風流夢却是同袍不許知

皇朝旅夕小酌示內二首

燈火多情照客床殘瓢有酒且須嘗又勞袖裏纖纖玉
一穿青柑噀手香

紫海風濤黃嶺雪蹭蹬相伴十年餘何當安頓生涯了
煩剪荒畦夜雨蔬

早發白子驛書懷寄弟

古驛蒼茫曉色分鈴聲馬語漸紛紛殘星芒避初昇日
喬木梢枝欲散雲信羨山川嘆異土孤飛鴻鴈恨離羣
西風無限悲涼意落葉鳴蟬不可聞

津阪有功宅喜鹽田士鄂見訪分夜雨滴空階
華端采為韵得夜字

萍蹤殊未定，來寄故人舍。
暮檐雨蕭蕭，君子適枉駕。
促膝話團欒，緩酌宜遙夜。
一拂小宰羊，聊當牛心炙。

某氏幽蘭齋集次平松子願韻兼示齊藤有終

鹽田士鄂時余將暫遊陽田

文酒重卜宵，燈火澹眉宇。
交分豈云淺，披襟相共話落葉。
鳴空階森沈，黃雀雨一盃。
須更盡明朝別，又苦。

雲津

雲津渡口雨濛濛，烏浦磯邊落照紅。
一紙鄉書秋未達，鯉魚吹老滿江風。

松阪客舍逢源子肅話舊

妙齡意氣各揚揚，欲駕虹霓凌彼蒼。
二十三年談往事，一燈寒照兩顚霜。

寄懷穀子序

蟋蟀聲聲近客床，燈前抱膝影淒涼。
貧非無味一盃酒，老似有期雙鬢霜。
旅嗟余知識，少邱園羨汝興情長。
何當松竹成隣並，此事沈吟十載強。

海會寺讀舊題有感

手拂苔墻讀一回，塗鴉剥落帶塵埃。
前身我是僧無本，曾把新詩呈佛來。

病中重寄子成

澎湃濤聲枕上聞，飄蕭颺影帶塵氣。
可堪落托長為客，無奈羨池不及羣。
京洛舊遊三樹月，故關歸夢百峯雲。
憑誰報與我兄道，病在海南梳水漬。

食石決明

君不見鳥羽之海百川注，三十六島紛棊布。
島面比比皆蜒戶，蜒女善沒仍善捕。衣飯全在風濤中，不物璀璨。
來無數我行正逢寒雨霽，海光磨鏡山凝黛。
漁刀陸續送羹林，玉珧沙蛤梅花蠣。就中珍絕九孔螺，此味一出
百可廢。我是南朝嗜痂劉憐汝，能為孟靈休。
嗟乎懷璧乃其罪，長鑑見鐘莫浪尤。
君不見上國貴人重珍味，千

里飛塵煩廝置，金盤彤俎饌夫薦。
一餐何啻萬錢費，豈如此間一枚五六錢。
咄嗟來登飲客筵，莫怪老饕不放箸。
要使衰目再瞭然，讀書萬卷從此始。
遮莫細字如蠶眠，

子愿宅詠瓶中茶梅

臘雪寒香花正開，多君折取入瓶來。
一枝併得兩風致，桑苧翁茶和靖梅。

寒夜讀書有感

雙鬢浪蒼衰可徵，空餘傲骨故稜稜。
學稱經世終虛喝，詩未名家且謾吟。
滿眼英雄千古亾，一天風雨五更燈。

手披殘卷藜床冷欲借山僧舊甌澁

夜歸所見

月出長林白溪山瀨氣中何來輪大翅一唳響寒風

寓懷書五十六字時寓有功宅

鴈叫秋旻鶯囀春十年孤劍漫風塵禰先生豈非奇士
皋伯通知是好人寒暑頻催頭上髮詩書不救眼前貧
榮華絕意非今日久信滄洲有隱淪

十二月十四日作

我愛海南好融融氣已匀魚吹冰底日梅咲臘中春島
嶼晴開畫風煙午可人飄思洛城陌雨雪壓紅塵

竹灣雪艇圖

元日

一聲銀竹折龜胥正紛如湏掩孤蓬睡溪寒不可漁
耿耿窓燈天未明鼕鼕街鼓夢先驚一鴉乍閃曉城影
千里穩來春浪聲羞對菱花梳老鬢哭呼柏葉賀新正
飄零為客吾何恨到處謳歌足太平

讀高青邱梅花詩

細吟北郭梅花什字字風霜句句珠若遣先生生較早
無人道著到林逋

河村毅甫招飲分韻得鹽是夕會者凡廿餘人

青尊燭下酒頻添，水漏丁丁響夜籜。
難得客皆才子最，不妨座有老夫潛。
江梅千點月臨砌，野鶴一聲風拂簾。
詩料滿前君且揀，也應多取未傷廉。

春陰

鳩喚花梢午未晴，浮煙漠漠欲沈城。
知過煖遂成雨，海口忽高春浪聲。

過阿波嶺云是二伊分界處

夾路花濃酒旆高，春風十里送征袍。
纏綿馬冰凌磔，蝟毛刺

重過上野寓服文稼宅

景物依然到處同，舊遊僂指十春風。
羣山爭護孤城峻，平野中分一水通。
天矯敢云追電馬，去留聊比印泥鴻。
愧余才調非坡老，也有高人客寓公。

二月十八日有終文稼諸子要余觀梅於尾山
月瀨諸村是日雨雪入夜雲開月出有終文稼
有詩余次其韻

探春十里度嶽岑，凍霧風吹晴復陰。
嶺樹無邊看不辨，溪泉幾脈耳空尋。
手龜已耐寒偏緊，鞋沒方驚雪已深。
擬就店家謀一醉，燈痕依約隔疎林。
暝煙濃抹水東西，寒壓梅花萬玉低。
鐘磬數聲知有寺，

山巖一色欲無蹊，酒將醒。風吹帽，雲忽開。時月落溪
怪得纊絲瓊屑亂，梢頭和影鶴來棲。

發伊州口號二首

頭顱漸老無歸處，只合樓棲了此生。收取剩毫殘楮去，
半肩行李又登程。

溪聲相送鳴鞋底，山色如迎當馬前。豈是溪山不容我，
可憐征路一年年。

星巖丙集卷四

星巖丙集卷五

美濃梁縡公圖

京甸文集

庚寅九月盡

二月廿二日入京訪賴子成三樹水莊賦二絕
句見贈次韵以薦

去年今日就君飲，君正欲西吾北征。今日就君重一醉，
舊園柳色舊灘聲。

自喜重來約不差，遊春時節入京華。故人哭指東山說，
雲觀峯巒盡是花。

雨中看東山同子成賦

上灣下灣春濛濛，柳梢黃澹草芽綠。
東山面目尋常見，今朝逢雨為奇矚。
乍開乍闔何其妙，峯與浮雲互角逐。
湏臾注脚亂白麻，翠靨一一事膏沐。
如意彌陀名誰復，辯都在水晶簾裏青簇簇。
豈知驟亦在俄頃，夕陽已逗峯半角。
虹女飲澗影彎彎，鶴姑呼林聲谷谷。
工本應為花來密灑疎飄，意足華頂峯前看。
恰好明早蹣跚，杖巖曲。

游春漫興五首

櫻花時節恰牢晴，綠島川紫丹鳳城。
晴與花枝為道地，天教我輩恣風情。
並輿屢赴二亭約，每下與子成出遊。
買醉於二亭二亭。

即抵園門一飲動成三日醒未就青山埋醉骨且留老眼看昇平

二月三月天濃暖，高枝低枝爛漫開。
老子枉追歡伴去，春風似為少年來。
紫陌嘶殘金絡馬，紅樓鬪取玉交盃。
東山寺寺賞游遍，湏向西峩看一回。
看到龜嶺別是春，錦天繡地漲香塵。
萬梢日炙霞燒眼，數片風輕雪點巾。
蘭渚圖中觴詠客，杜陵句裏綺羅人。
對花下酒豈無物，頓頓溪魚來上牘。

茶標酒望帶斜陽，歸路偏牽餘興長。
竹塢鶯啼金筦響，芹塘水滿碧油香。
兒郎白面驚胡蝶，嬌女紅腮醉海棠。

莫傍池邊輕笑謔，恐人喚做野鴛鴦。

御室已殘平野未幽，探北去路彎環半林艷。雪貴舟廟一簇嬌雲，峯馬山蟬歸燕。釵香掩冉霞衣風袖錦欄斑，滿城顛放何能歇。殺盡櫻花始當閒。

所見

金輦曉出蹠春陽，留取鸚哥看洞房。永晝池臺風澹澹，柳花徐度築毬場。

東山過登登老人墓次與道乙齡

平生不及識容顏，偶見遺墳雙淚潛。我老伶仃蹤未定，羨君埋骨有青山。

豬飼敬所翁七十壽詩

吾翁骨相癟於鶴，七十齡高行益高。自是斯文真領喪，只應餘子小兒曹。才兼爾雅蟲魚細氣，挾元龍湖海豪。笑向春風拋壽盞，山花如雪點眉毛。

居京僅一月，將復赴伊州。慨然書二十八字，南船北馬一程程。自嗟平生舉脚輕，又是春風去。時節飛花飄絮出京城。

行入和州界，沿路田疇多。植芍藥，因成詠。聖化由來遍八荒，此間況乃舊畿疆。無人相謔折為贈，一路春風芍藥香。

神童寺山中聞鶯

溪山十里趁牢晴布襪青鞋步步輕不道風花春已盡
新林處處亂鶯聲

閏三月三日雨中對花小酌賦示文稼
半簷疎雨白於燕杏艷桃嬌紅亞枝可喜今年春帶閏
幾花看到牡丹時

枝枝交影老紅酣和雨扳來挿帽簷座有佳賓樽有酒
一春兩度作重三

題福田半香醉李白圖

明月金陵渡口秋婆娑醉影坐扁舟鑾坡玉殿豈不好

却愛人間孫楚樓

五月九日暴雨鴨水寓樓上所見

獐風吹雨似飛箭流翠倏開三四峯一道奔雲滴殘血
南歎知有鬪歸龍

玄玄山人磁印歌

玄玄山人蠹蟬屬啖盡奇字腹厭足三寸生鏹代管城
蟲魚繅篆隨所欲其材維何黃糞土埏埴之埴之化為玉
青花陸離血暈斑燦如芙蓉媚朝旭上戴龜蛇或天鹿
怪奇百出驚人目汝哥之窯何足論不數成章邵氏局
平安實是好事製成一顆爭攫取山人於我意何厚

持贈案案抵瓊玖，青縉為囊綬穿鼻，把玩摩訶不釋手。
我聞神禹時治水，見玄龜領下有印皆古文。後世圖章
肇於斯，自從秦刻玉璽，後用金銀銅鑄成之，賜之有差。
以為信，王侯以下百官司漢代重封檢，下蒙唐宋時神
龍貞觀及宣和御府，收藏耀丹曦。此外民間所刻，粉然
不可算。雜用象牙犀角水晶瑪瑙黃流離，消亡光華減意氣。
近來篆家間以磁，東方名流未嘗試。山人山人何從得其
法，而擅其名？直恐更令青田壽山家聲墜。君不見漢皇

雄略吞八荒，屢分席竹出。邦方甘泉論功誰第一，將軍
金印白日光。吁嗟丈夫入，在必報國不然拂衣歸亦得。
澆季文字賤如土，何物癡兒列鼎食。歸歟歸歟清風明
月，端衡門此生久掉老。田園黃金斗大非吾事，只費山
泥一丸。

同有終信侯遊糲林，得青字。
梅雨寄懷王香

松杉夾路水泠泠，夏玉鳴璆到處聽。好借溪亭歌濯足，
一簾酒影干風青。
京城五月雨涔涔，酒醒香灰愁不堪。却羨風情賀梅子，

斷腸詞句在江南

夏日鴨水寓樓雜題十首錄七

繞簷槐柳綠交加、手汲苦泉試露芽、霖雨漸收天漸熱、
佛桑開到第三花

愛他水木清華句、一日繞欄吟百回、鴨曲若開終隱地、
欲將四字匾堂來

喜無人客款柴關、獨卧幽窓白日閒、呼取銅盆聊遊玩、
一拳峭碧小家山

暮山霞歛碧層層、把酒闌干曲處憑、愛此細波金一片、
流光和月上衣稜

家家團扇賣冰纨、士女尋涼爭出門、早已祇園神賽近、
鼓聲燈火似中元

衣香鬢影多妖冶、街陌東西橋上下、醉倚竹柂聽水聲、
京華風土最宜夏

掬涼風莫可尋、滿城熇熇午流金、便湏酣飲追河朔、
不到沙川即孔林

七月十二日同子成有終巨海諸同人觀荷花
於桓淵湖得五絕句錄三

載酒一年三度醉、同人無恙景依然、梅花雪後桃花水、
又及秋風菡萏天

淵客龍綃勞意匠，天孫雲錦費經營。何如此際三千幅，盡是風裁月染成。_三

飄搖風影倩誰扶，香露彈人細欲無絕似開元。何滿子，盈眸愁淚送珍珠。

後十日重過桓掠湖時夜黑荷氣條條亂人被美愛而不見悵然有作

絡角星河夜未央，青荷恨沒鏡無光。_{樂府江從簡採荷詞欲持荷作鏡荷暗光本}凌波仙子在何處，黯澹只吹羅襪香。

中秋前二夕鴨水寓樓書懷時桂花盛開衣露溥溥爽氣浮，客中時序水東流。橋姿燈影秋三里，

玉兔天香月一樓，賦裏小山空在夢。床頭薄酒不消憂，可憐老去歸猶未弊。盡西風季子裘。

燕閒四適圖，南洞亞相公命此題。以課都下諸文士，余亦與焉。_{錄二}

抽絃對素娥，瓊漏間中玉誰道聲不多。一一寫心曲，調終月亦沈。餘韵在幽竹。_琴

玉子丁丁響，清晝簾閣深。機沈時寂默，一發驚階禽。君子雖然靜，亦有飛動心。_慕

余頃購得鴨東閒地百餘弓，疏水種竹以為偃息處。書喜二首。_{錄一}

手刈荒蕪，闢小園。一渠遙引碧潺湲。家無側室，分無子。
竹有雙枝，望有孫。志林竹有雌雄，當自根上第一枝觀之，有雙枝者為雌，即出節。雄多荀，凡欲識雌，
看山福旋掃藜床，置瓦樽。

星巖丙集卷五

星巖丙集卷六 美濃 梁 繼 公圖

蠡湖客漁集

起庚寅十月盡壬辰九月

十月朔宿大津驛

夢故山

夢繞家江舊釣臺。誰其把夢喚。將回斜風細雨湖南驛。
三井鐘聲枕上来。

早發大津舟中得五絕句

錄三

浦煙未散黑成圍。撲灑驚禽帶夢飛。出得港來能幾里。
一帆曉色已熹微。

湖面風恬殘霧開。瞳曨初日暎。高桅羣峯望。客如迎揖。

比叡比良次第來

一劍飄颻不計年，全家復上大湖船。
祖宗地近能無愧，隔岸青山是越前。
始祖大興公鎮三子孫遂家焉後長中宗圓君徙居美濃即大興公二十世裔也余則君八世適孫

薄晚舟抵白鳥磯，先寄小野田舜卿松平朝卿

二君時余挈家落句故及之

半湖殘照落帆遲，且就津亭倒一卮。
病負白巖明月約，白巖在湖心，俗呼沖白石。
白巖在湖心，俗呼沖白石。來逢紅葉鯽魚時。
鯽魚紅色，則鱗皆成淡紅色，湖中謂之紅葉鯽。

可無好客孔文舉，兼有愛才楊敬之。
應笑四婆心切甚，可無好客孔文舉，兼有愛才楊敬之。見放翁題跋余內亦行第四

青蓑隨著老頭皮

四壁揚朴之配見放翁題跋余內亦行第四

松原寓居雜題五首

錄三

夕陽庭樹影徘徊，疎雨痕青滿地苔階葉見風驚且走。
沙禽馴客去還來，遣情甫里集三卷下酒東坡羹一盃。
曾步當門人雜遝，長竿我亦欲爭隈。
淮南子漁者不爭隈，者不爭隈，

城鼓聲傳更短長，透窓風冷鬢吹霜。
夢飛上國綺羅地，人在東江魚蟹鄉。
咸岸船聲寒薄泊，結曾燈影夜蒼茫。
雖然岑寂也堪慰，有酒盈尊書滿床。

宿煙忽破曙光浮，面面峯巒翠欲流。
賈客畏風收半席，漁舟駕浪突羣鷗。
苓苔堪學贊牙叟，城郭應同磊落州。
如此江山誰付汝，雖非吾土亦登樓。
杜子美越王樓歌，縣州州府何磊落

顯慶年中越王作又陸游詩磊落入為磊落州

紅葉鯽魚歌

北鴈南來信纔通、一吼已應豐山銅松檜之外皆斑駁。
豈惟烏桕與丹楓、何哉青女轉其手、來向波底施染工。
直從頭面到背尾、玄鯽之玄化、為紅片霞碎錦鯛聚散。
光華炫燁水龍宮、記我曾遊當三月、桃花浪高魚氣溢。
金刀瓊尺爭登盤、亦惟約略豈云悉我聞鯽品八十三。
就中紅葉居第一湖魚考載鯽凡八十三品今來恰逢斯品出天補。
人腹中閼時屬霜晴水容靜琉璃平鋪三萬頃或刺
蟻蟠或缺瓜人人各佩一箒箸甲喚乙呼互塞納簪鬢

漏出未衣影使人漫憶崔信明、歸楓落吳江冷。

彥爾二首

妖鯨已仆侵氣亡、海宇肅清塵不揚天降偉人充鎮國。
地呈勝槩入封疆、煙開湖鏡蕩空白日照稼雲彌望黃。

何怪此間多瑞氣、一峯西是帝王鄉。
好似勾吳山水國、山成堡障水成圍蟠聯遠勢控三越。
浩蕩餘波及五畿、邑有善歌知政績野無惡草見風威。
舊封二百年屏翰虎豹依然護、九闈。

三浦氏環翠樓寒雨忽霑書矚目

凍雨霏霏忽放晴、廻風吹斷畫簷聲天台以北皆成雪。

紅葉林端一杼明

紙帳

微波搖蕩剝溪風一片銀光凝不融虛室自生通夜白洞房枉燭百枝紅行雲神女鸞曾共化蝶真人惟肯同落月梁間來弄色居然夢在水晶宮

雨中過岡本君黃石齋夜話得時字君祖喜庵

先生以鈴韜起家遂為彥藩柱石君固不墮其

業兼涉文藝

水壺只許兩心知剪盡西窓燭一枝冷坐閑談宜永夜無能有味是清時虬髯綠怒風掀屋鼴脚黃凋雨漬離

且擬從君問韜畧毛嗟我十年遲

二十四日遊宇津木君子同月潭別墅同諸子賦得秋字

勝日宜攜勝侶遊數株霜錦尚留秋美人南國韓襄客詞客東陽沈隱侯境比吳興更清遠堂如綠野本深幽潺潺一派肯分否築了茅墩吾欲休流水一條貫園而或飛瀑噴珠曳筇彷徨意象幽閒殆不類人境也

是夕雪湖君招飲即席賦長句以贈

霜漏丁丁夜欲中畫堂燭影九枝紅詩能多態令人豔酒可消憂招客同豪士手中三尺劍嗇夫腰下半通銅

塞余此事兩無分只擬從公詠惱公
寄中川祿郎家在薩摩村距彦禰二十餘里其地頗極清幽之致

松篁夾路翠天斜面水層軒寐不譁英氣百年歸古史吟心一片入餘霞灑花網定先春結載酒船應待雪划

箇箇長竿如許借賣書來問汝東家

歲暮雜感二十首錄示小野田君舜卿要皆興之所至卒爾成篇者語無倫次君幸照焉錄十日車運老去駸駸紀歷徒餘長短吟江雪朝星摩詰畫松風夜奏少文琴人歌鳥哭何悲喜水逝雲流自古今

巖壑豈無棲隱地此生虛負百年心

寓攝還京滿鬢塵龍鐘又到大湖濱讀驥能熟應名士以醉爲鄉定逸民今是昨非渾似夢寒來暑往太磨人幾般鹹苦備嘗盡惟有吟詩風味真

楓葉無痕梅蘂香淹留早已七旬強竅鳴屋瓦寒逾烈月墜湖波澹有光兀坐燈前形吊影同袍天外在如亡歲云暮矣吾誰與重疊關山去夢長

亞字城高雲厯圮湖天風色日淒其可憐斷梗浮萍跡又值凋年急景時萬卷書埋頭漸老十分貧透骨增奇東山蒼翠長無恙只是歸人到自遲

百萬拋來日，買歡往事悠。指一彈玉白花紅人不見，
冰簾雪硯歲云闌。詩如昌谷嘔心血，病似馬卿患肺肝。
誰念當年豪俠士，鶻冠蕭散鬚毛殘。

江湖牢落滯還期，壹鬱中懷說向誰。風送濤聲喧夜枕，
雨吹腥氣入寒帷。稱天下士談何易，讀古人書悔已遲。
終竟能成甚底事，千篇柏木櫃中詩。

四野歡聲忽鬨然，起看滿白了山川。老天送雪來為兆，
吾輩無田亦望年。庾果本甘鮓廿七，黔婁敢問粟三千。
但令廩庾果如城，乞得俸餘添簡編。

門巷蕭然跡亦稀，灑簾簾穿柳亂霏霏。空中樓閣兜羅界，

地上神仙鶴氅衣。凍入瓶花無水活，風飄香篆作龍飛。
老慵也動幽并興，直擬呼鷹殺一圍。

佔畢聲中送一冬，舞簷冷絮溼蓑青。長溝復塹水生骨，
憊日澹陰金在鎔。左計應同某，敗局正心聊學筆。藏鋒自傷弗及，杜書記師友珊瑚。

君聽勞勞游子歌，東馳西走底蹉跎。沈憂憑酒聊消遣，
卒歲無衣欲奈何。火色鳶肩今日少，麈頭鼠目古來多。
百年贏得文章在，笑擲浮生付逝波。

贈石蓮新野君：君詩酒風流琴手最高。

餘子紛紛等蠟蠟，惟君標致古人同。歌詩一代李長吉，

盃酒三生陳孟公，世事拋來高枕外。
幽情寄在響絃中，不須更問成連譜。

繞屋乾濤夜夜風

園中松樹十數本皆作老龍鱗

剪盡燈花不肯眠，熒熒三十字。
將穿寒聲驛屑風和雪，夜色昏茫月墜煙。
清世有誰尋趙普，殘年無客吊焦先。
知君情況麤，同我讀到陰符第幾篇。

元日

車馬喧闐曉日明，萬家應已賀新正。
黃袖眠足微吟動，即我年頭第一聲。

次韵雪湖君立春前二日看桃花作

驛使江南信未通，夭夭已笑一枝紅。
便湏推汝為魁首，擯得梅花立下風。
一曲新歌酒一中，桃花人面可憐紅。
節近上元為上已，不妨觴詠試燈風。

新柳

淡金色吐不勝煙，正是初鶯未燕天。
已弄風姿偏嬾娜，為多情縷易纏綿。
王恭莫漫誇春月，張緒豈能長少年。
看取仙人掌邊路，幾家紅粉吊屯田。

二月五日飲湖亭

城外東風吹酒旗，湖亭稍覘景遲遲。
先生擁鼻高吟處，處處先生擁鼻高吟處。

梅蘂搖唇淺笑時浣濯女來波漾漾牧萬兜去草離離
尊前無復玲瓏唱吩咐黃鸝送一卮

泛舟重遊大洞題寺壁

重櫂吟船向碧潭暝潭柳色欲捲捲酒如春夢醒無跡
人倚東風愁不堪一簇樓臺湖樹北兩年鞋策海雲南
也來弄筆涼僧壁紅袖爭能知魏三

四皓園基圖

雪頂霜隣唱紫芝山中日月一枰棋留侯計榮無多子
只把閒人賺戚姬

三月三日石香木侯君樂山亭集同諸文士賦

危亭延客坐煙嵐好是東風三月三士女秉簡思古詠
桃花流水漱春酣一枝筆健誰先就百罰盃深我豈堪
殊恐明朝人問及王戎老去不能談

夏至前一日同石蓮雪湖二君遊湖亭石蓮善繪事雪湖工詩而皆審於音律

靠檻呼盃雨恰晴亭臺瀟灑有餘清煙籠樹影千章綠
風約湖光一片明畫裏雲山王潑墨詩邊氣色夏江城
更湏把箇耳官譜羲唱櫂歌無限情

養石同雪湖君賦

一拳涵養碧玲瓏，盆水油油春欲融。華蓋排雲峯竦立，仇池有穴路潛通。煙霞坐占神仙福，袍笏將追漫士風。好事他年修石史，也應謚汝太湖公。

夜聽水鷄

月浸秧田角，角鳴江東羈。客夢先驚玉，妃祠畔舊時聽。又聽王妃祠畔聲，玉妃洞在武州墨田川東岸

宋高宗賜秦檜壺尊歌

有引

壬辰夏四月，石香木侯君會客其堂，座置一壺尊，光彩流溢，請而觀之，裏底有篆書二十六字曰：惟紹興丙寅三月己丑，帝命作壺尊，錫師臣檜酌獻五廟。其

流永世。因按本史及通鑑，正與欵文相合，其為宋代物無疑也。舉座嗟賞不已，忽一客瞪目曰：出諸君何為？其然是賊臣舊物，我則以不能一擊粉瑩為恨已。一客從旁解之曰：檜之毒惡固可憎矣，惟此器七百有餘年，脫兵燹之厄，而歸存其形者，豈可不為珍哉？余乃笑曰：二君之說皆非無理，但鄙意更有異焉者，凡物出於賢人君子，則崇重之以寓仰止之意，固其宜也。即出於姦賊之手，又宜鑒之以為戒，亦成德一端也。然則此器之耐久安，知非天之所以垂戒於後世為君為臣子者耶？則置之座右，以當箴銘，亦何不

可主人憚曰正吾志也子盍為吾記之遂記又作長
歌一闋以歌之歌曰

天杳杳兮雲夢夢五國城遙信不通偏安豈是臣庶志
君王徒自望梓宮朝堂講事孰為最太平翁翁師臣檜
敢持和議沮吾計薰灼勢已不可制罪榜失信嗟何及
已矣浚鼎亦見賣遂以長淮畫為界況乃五十萬數納
歲弊夷尊夏卑名義戾誰何健者張韓劉岳爺義勇服
虜酋唾手燕雲十六州欲揩乾坤復大讐惜哉不得痛
飲黃龍府中酒於菟卒殪賊臣手燭姦豈惟方保高更
有東窓長舌婦檜之欲教飛也于東窓下與妻王氏謀之曰擒虜易殺虜難其意遂決前

魔君後浪子異時同罪並竄死何哉汝獨居然以壽終
將母天亦有醉乃爾爾雖云朝槿不能翌目前榮貴誰
爭得婦加兩國子承旨三孫並除直秘閣車駕親幸猶
或理何至御書表厥德嗚呼尊也則汝家廟器當時恩
賜修祭事黍酒牲肉安在哉一朝族滅鬼皆餽聞說錢
塘江水西殘魂吞溺溺中啼檜力墓在建康及孟珙滅金回屯軍於墓所令軍士糞謂之穢塚

閒庭漠漠長莓苔日氣乍烘雲欲開一雨決旬雷不動
今年的是亞黃梅

梅雨欲霽

五月八日入京寓鴨水西岸稽留兩月得雜詩

若干首原十首今錄五

江湖寓已半年餘又向長安闕下居元達平生無長物
益郊家具少於車幽花深竹晴聽鳥密雨疎燈夜讀書
隨處翛然聊取適占閒何必在吾廬

曙煙乍散日暎暎山色依然滿竹門一道風蘋搖曳影
半隄沙鳥去來痕爭名入世非吾事無佛而人妄自尊
茶罷朝餐殊未至閒臨大令鴨頭丸

坐鼓焦桐一再行絃洋洋曲盡有餘情天收梅子熟時雨
鳥弄榴花開夏晴爐氣榮簾終日靄水聲濺檻舉家清

滿城擾擾趨炎客知否山人心太平
八尺隆穹人卧冰也無蚊蚋也無蠅傲疑松下科頭士
靜似山中結夏僧翡翠重行風岸樹珍珠一串暮樓燈
微波乍動嵌金影如意峯頭月已昇

滿路輪蹄紛鬪爭何如意自孤行鶴閒益見軒昂氣
琴古能成疎泛聲江上已留丈人號天邊也有客星名
老夫從此生涯兩半在江湖半在京

東山逢舊妓戲贈

衰鬚重來意惘然倡條冶葉換風煙座中惟有瓊花宴
能記當年鍊笛仙

同貫名海屋高臺寺看胡枝花
七里紅欄逐水斜櫻唇桃面鬪容華佳期別在秋山裏
來看雨餘閒澹花

肯與尋常花草比築雲簇紫滿幽庭微香妙色心如記
曾誦西天縷絡經

從他鐘磬苦催歸戀賞駢肩立落暉風疊紫闌香乍逆
幾團黃蝶出叢飛

七月八日歸湖上寓忽見霞山上人至厨無一人
物聊吟鄙句以充供

吟鞋歸躅白鷗沙仄徑穿林細綫斜烏有田廬容老懶

供養了笑拈吻角一枝花

八月十五夜泛湖賞月五首

錄四

漫呼寓止做吾家入門未問竹尊者童子寺竹林有一
飛鋤已來風法華京師開寶寺僧姓張好酒及法華經人呼風法華且用甚麼
急忙搬去上扁舟

無奈蘆園葦繞何此中爭得著金波萬工莫惜支撐力
漸入空明看漸多

東海西江隨處賞緬思往事杳無端清光好在一輪月
又向琵琶湖上看

醉影婆娑尊亦傾，一聲驚鵠夜三更。
高明例被鬼神惡，月到天心雲便生。

琵琶引遊竹生島予平經正

青龍欲興黑鼠亡，丹水源涸乾坤荒。
鯨鬢鼓揚北海浪，羽書一騎速電光。
濁卉公子能講事，玳弓駿馬充副帥。
黑車載甲湖西驛，湖雲裊裊簇旗幟。
忽憶仙童邇擅樽，彩鷁迅飛劈洪濤。
珠宮玉殿連水府，天風不動石壇高。
振振手戛鳳凰索，十四銀環光錯落。
箇聲未斷羽轂作，餘音縹渺入寥廓。
天妃爲降靈，白龍忽現形。
鱗車奐馬紛無數，黃龍玄龜亦出聽。
豈知一闋還城樂，中孚無邊。

衰颯聲施肆不戒，自家調琵琶。
虛誅絃指妙，他年闔欣海。
西陬孟汚遊，魂人誰吊竹。
生之島萬古碧崔嵬，我未
不見舊忽雷。
渺湖風水鼓，明月天際真人安在哉。

九日書懷

零落復零落，又逢秋暮時。
青衿人老矣，黃葉雨淒其。
浪跡水雲冷，幽憂天地知。
只湏多泛菊，倒我掌中卮。

聞鴈

庭樹離披葉自驚，素商節老氣逾清。
夜深殘月移城影，天外繁霜送鴈聲。
乍見聯翩筆柱落，似聞啞軋鶻枝鳴。
湖田有滯食，應足差勝人間窮弟兄。

鳳來寺僧持管右府圖像乞題辭敬書二十八
字以還時九月十三日也

月寒恩賜舊衣邊拜罷餘香淚泫然不比高山王副史
囊中空貯御書錢

牧信侯來自京師雨窓對酌分韵得尤
清風涼月嵒川樓絲內聲中酒進籌今日琵琶湖上雨
一尊相對話閒愁

十月十日雨廣君錫招同余及信侯賞後園殘

菊得香字

不妨采采泛金觴籬落殘花雨發香若準坡翁捺展例

全朝即是小重陽

歲時記京師士人十日再會為小重陽

冬日雜興十首

錄

微寒已及始裘天肅兀青氈坐欲穿風葉幡幡離影疾
暮禽亮亮語聲圓但能解脫可呼佛豈待飛騰方是仙
閣看兒童下階拜初三月子細如弦
獨倚高窓撫幽景乾坤何處有知音

閒雲一片傷苦磯自笑半生生事微有酒有魚聊小住
無田無舍欲何歸名傳天下恐非福跡入鷗羣甘息機

誰與夫君準備了缺灰船子綠蓑衣

超然高躅是英雄雲海蒼茫津不通凋儻夙期黃鵠子
龍鍾今似白鳬翁荒簷墜葉時時雨寒枕鳴濤夜夜風
東道故人如問我已移生計入漁蓬

廿年饑走漫萍蹤厚地高天何所容顧得逡巡劉墮酒
澆平磊磈阮生胸空山暮色千竿竹絕壑寒聲五鬢松
未必豎儒無血性時時風雨吼雙龍

霜槭陰疎鳥語妍朝餐過後午茶前餘生只願閒無事
一日何須食萬錢廉讓中間宜卜地得喪互有豈非天
牢晴愛此熹微景曝背南榮爛漫眠

石出稜稜淺水乾仲冬氣候倍淒寒籬花黃瘦風吹倒
野柿丹皴鳥啄殘年老敢悲吟力退歲豐且喜酒升寬
芸窓纏畢解書課又就磯頭把釣竿
冬氣涔涔陰復晴荒園景物喚愁生寒風有影吹沙走
枯葉無聲借雨鳴老覺流光偏蹉蕪貧知平地亦峥嵘
一棺闔後方纔定人事何勞月旦評

龍臺君喪女詩以吊慰二首

槭槭悲風入繡帷露啼蟲吊夜淒其常娥逐月沈西海
便是方諸淚盡時

有情爭得易為情語笑時時漏泣聲今古人心同一軌

陽元遠不及莊生

聞王香近就西山卜隱居企羨無已乃賦長句四韻以寄贈

買山錢足早逃名遙想幽棲氣味清春到梅花滿邨白夜深竹屋一燈明詩從天外得來妙琴在風中鏗自鳴嗟我奔忙頭漸老人間歲路太峥嵘

寒夜不寢偶得句

酒醒燈燼已殘更栗冽霜威逼骨清錯認梅花弄疎影

寒星無數照簷明

晏起

五更殘睡骨邊肉滋味何人嘗品評竊窪被窩春氣玉
氣氤氳爐靄曉風輕讀書窓白燈無影掃雪僮寒篋有聲
過了三竿仍未起誰云日出事還生

和岡本君冬夜讀兵書

簇簇冰華生硯池閒繙青帙坐空帷逆風鶴唳將殘夜
卷地軍聲彼一時鍊肺石肝惟酒見英圖雄略獨燈知
起推窓戶觀天象太白光沈城樹欹

和田君梦寶歲晚出城作

出城吟意好杖履小彷徨梅苔初勻紫菘心已臥黃歲
光看日晚人事轉忽忙誰信閑遊客先春擷野芳

春初書懷寄池五山先輩

客中為客感增深，離索更堪年。鬢侵江左風流歸夢寐，襄陽者舊半消沈。野梅香破條條玉，湖鯉春搖尾尾金。景物雖佳誰與共，幾回東望費長吟。

戲題林和靖梅花詩意圖

匝地梅花是室家，暗香疏影搊婆娑。嬌娥應在月中笑，三百六十妻太多。

人日寄高九鴻

誰道春風引興長，梅花人日大盆篋。不知高適能安穩，待爾新詩到草堂。

東郊暮歸書事

雨晴草野綠平鋪，高旆招人危欲呼。列岫有如羣妾侍籃輿，何用兩兒扶。梅花溪谷春留雪，燈火樓臺暮吠珠。一縫東風吹不定，紙鳶猶自逆雲衢。

二月十八日同石香君遊長久寺，寺主上人本善飲，是日持戒，故詩尾戲之。

似有平生未了緣，東禪叩遍又南禪。前日歷遊城東諸寺院最憐清淨無塵地，況是春寒細雨天。蕉葉綠穿懷素墨，杏花紅溼許公觴。如何又學羊僧亞，不得同齋繡佛前。

三日龍臺君開宴於清流一曲，分蘭亭序中字。

為韵得清字

宛然內史流觴地。一水淙潺繞舍清風裏。竹如簷有韵
霞邊山似帶。餘醒能留賓客花含笑。憒見笙歌鳥不驚。
持較永和春更好。當筵虞姪舊知名。

韓信圖贊二首

長刀挾得欲何遊。淮水悠悠去不留。漂母相哀家嫂恚
一般餓裏有恩讐。
英雄心跡去鴻輕。惟有鄰侯知得明。何怪重瞳看不徹。
築壇人尚欠真睛。

張良圖贊二首

錄

狀貌婦人風骨仙。博浪一擊膽如天。肯將餘力借劉季。
赫赫炎光四百年。

招賴子成子成即日航湖見過有長句輒步其
韵却贈

誰居詩賦動江關。勞汝舟船一往還。鷗鷺將迎芳草岸。
煙嵐背指夕陽山。姓名莫問百年後。盃酒且歡十日間。
間歷指佐佐木織羽
壯等諸舊趾言談太刺
看看英雄盡。鴻去只留寒水照。酡顏子成平生喜談古。
英雄是日於盃酒

同子成泛裏湖。遂登大洞山。次茶山翁舊題韵。
各賦

湖鳥雙雙觸櫂，飛扁舟容與愴忘歸。忽然憶起老菅句，更上洞山看落暉。

鮆魚網歌

裏湖外湖多漁子，漁子生涯不離水。楓葉鯽魚桃花鯉，趨時獲魚足生理。五月雨涼葭菼長，脩網遮鮆從此始。漁舠來去疾如駛，湏臾攔截三十里。但見腥氣幾條逼人來，鱗夫曳曳殊不已。人成魚貫魚人泣，銀刀瓊尺亂不起。戢晝縮頭忝濡沫，肯許跳脫返清泚。痛哉天物遭舉殄，杜陵哀歌良有以。今我續聲聲更哀，比年歲荒民力疲。何況胥吏事漁奪，晨晉夕罷折毫釐。我聞民也國，甘雨應祈。

之本斯民不安國，其危君不見天之網貴恢恢。

子成將歸賦一絕句重贈

隔水嵐光萬髻鬟，浮雲捲盡夕陽殷。日丈峯外一堆碧，是汝明朝歸處山。

題湖墅壁

茅蘪三椽買釣隣，水雲遮斷世間塵。羹從常法婦能調，架有異書家未貧。赤壁前期風月笛，赤壁在裏湖丹崖削成人呼小赤壁○黃山谷次子瞻詩赤壁風月笛玉堂雲露卷西園後會琵琶春西園指木侯氏別墅而言琵琶春酒名雖然落托江湖老，也勝名羶利鎖人。

甘雨應祈

甘膏既已足，餘滴尚淋零。
茂宰真能肅巫咸，也自靈差
君魚尾赤還我草頭青，爭說夜來雨。
滿城龍氣腥。

贈女子河素影

亭亭素薦照池塘，洛水流風羅襪香。
端紫鴟來荷上露，閒臨大令十三行。

涼夕澀谷朴明見過留酌賦詩

大火西流節欲更，疎燈光透葦簾明。
一尊酒為故人設，頭番涼從新雨生。
露下羣蟲皆急響，天高孤月且徐行。
醉談到曉亦何害，無復飛蠺繞鬢鳴。

湖中雜吟十首

錄八

昨日搬魚去，入城炎塵滿地不宜行。
湖邊秋信來容易，一片青蘆葉上聲。

暮天雲盡碧澄澄，白石敲光上蚌燈。
看徹松陵詩一卷，免兜峯頂月初昇。

水氣濛濛晝亦昏，汀花潭竹帶茅塢。
他年人若編湖志，即是梁家泊宅邨。
旋移短艇理長綸，

兒善扳罾，女善划阿翁醉脚叩舷歌。
君聽一曲漁家傲，大濩咸韶不較多。

槿籬竹屋兩三家，村尾樹高樓。
暮鴉寒日已沉，餘照在浦雲明滅。

釣罷黃昏鼓櫂還，柳隄煙澹月彎彎。
驚禽薄泊衝波起，啼到莊西幾幾灣。

誰道漁村食有餘，朝朝輸了幾盈車。
近來詩客無羅隱，不免長供使宅魚。

十五夜月下飲龍臺君新築樓上得風字
歌雲搖蕩酒波紅，一鏡亭亭已破空。
天上休誇修月斧，人間別築廣寒宮。
彤盤珠迸殘荷露，碎錦香流古桂風。
照出蟬娟池底影，姮娥未必勝玲瓏。

夜坐與家人閒話偶得長句

當門高樹已無蟬，湖北湖南征鴈天四辟。
蟲聲涼似水一簑，燈火夜如年。
為防口過只說鬼，未害妄談時及仙。
直到童奴並和睦，團欒炒栗不思眠。

湖村霜曉

杲杲日初生，繁霜果得晴。
殘雲餘涙影，折葦有乾聲。
衝岸娵隅躍，爬沙郭索行。
鯽魚來不遠，紅葉半灣明。

余將東遊入京問子成疾，子成時已沈縗。曰：千里之行不可無言，遂賦一絕句，見贈，輒次其韵。
以禦時天保壬辰九月十七夜也。

談山話水到宵分，大堰奔流函嶺雲翻。
恐郵亭孤枕夢，屋梁落月見夫君。

留別湖上諸友

孤琴單劍欲何之，滿面風霜兩鬢絲。
漫道四方男子志，不知東道主人誰。
只應青紫非吾分，究竟耕漁是汝為。
已卜他年歸隱地，裏湖西畔赤巖隱。

星巖丙集卷六

星巖丙集卷七

美濃 梁 縱 公圖

竹兜集

起壬辰九月盡十二月

九月廿六日發彥彌，是夕宿番馬驛。

江湖留寓好，有底又徂征。
五十三郵舍，一千餘里程。
山輿搖夢仄，驛火隔雲明。
且喜今宵宿，猶聞遠浪聲。

於越渡

山開南北豁，漾漾一川平。
津吏對鵠立，風帆爭鳥征。
隄連邑里，迥野接州城。
前路晴可卜，夕陽鳴吻明。

來州道中

海甸新開地，山阿舊戰場。崖崩金鏃出，乘落黑鷹揚。無復塵氣礪，惟聞糴絅香。君看太平象，醉漢鬧村坊。

大風渡荒井江

高浪蹴天白，橫氣吹地黃。汎吾舟一葉，任爾簸而颶。碌碌竟何事，勞勞徒自傷。風梳雨沐意，有愧古明王。

遠州客次有懷故山

晨霜仍夕露，益我鬚毛斑。日月幾盈是，舟車十往還。沙

杼人煮海，鳥路火燒山。西望重雲隔，何由見故關。

觀潮坂口號

匹馬匆匆往又還，征裘弊盡鳥蒼然。觀潮坂上重停轡，

一片寒光十七年

旅辟讀栗山西野二先生渡天龍河舊題因書

其後

天龍河大河流急逝者悠悠成古今，至竟人生均是客。二翁何苦較昇沈。

日坂途中口占二首

農舍滌場後，海天霜愈清。薄雲遮鷹路，疎木漏風聲。遠役雖云苦，中心亦自平。豐年有遺稼，羣雀繞田鳴。

山色復山色，水聲還水聲。荒坡穿竹入石路，蹋雲行林幽。斤斧響澗遠，榔槔鳴可無。棲隱地漫走，愧平生。

旅感

江東遊倦又關東，去住昇沈信碧翁。
高行敢云三點柳，遐征聊比五噫鴻。
青山歷歷京城夢，黃葉蕭蕭海驛風。
命靡人頭吾亦分，百年天地一飛蓬。

宿秦公主宅二首

風霜苦極客衣單，一醉從誰且盡歡。
感愧故人憐不替，河魚山菌勸加餐。
女已抱孩男挾婦主人翁亦鬚毛凋惟有逕林觀不改

一圍寒翠

鏤芭蕉

堂匾栗山先生書鏤蕉軒三字

趙吳興書道德經歌爲秦公主賦

小字蠶眠五千言，誰欵寫之趙王孫。
王孫才貌萬人表，書畫文章皆通曉。
燕京風月新賞音，大雅名羨記琴心。
是豈敢當清廟器，秀才官好玉堂深。
元主見其儀貌非常密至閣中相之非日，秀廻首西風吹禾黍，遺墟荒涼浙江濱。君不見厓門海濤風卷起，紺雲慘澹忠臣死。何心細寫道德經，谷神不死徒為耳。吁嗟王孫王孫草萋萋，盍戴黃冠歸故里。

聞子成訃音詩以哭寄三首

秋風暮雨滿城闉，詰別謫謫和病呻。
子成病中送余詩云燈在黃花夜欲分明朝去聞海闊雲訃傳東海已前塵史才長
燈在黃花纔昨夢，處應無敵吟骨腥。
來倍有神閒殺一枝，回也筆修文從

此屬斯人

萬事悠悠付逝波。哲人無命欲如何。憂懷略似長沙失樂府。如聞敕勒歌。生硬骨。將同北地瑰奇才。殆亞東坡一編政記盡心血。灑到民瘼痕更多。子成著有外史通一書。最後所作者。其在病床。尚不輟筆。且草。且呻。迄病革之日。方脫棄。自書跋語。百有餘言。擲筆而逝矣。東山本大峯。何處十六峯。外史雲鎖泉臺。懊不開。歲在龍蛇爭脫瓦。人傳麴蘖遂為災。一朝離掌。雙珠泣。五夜看巢。寡鵠哀。彼此撫來。最惆悵。海西有母望兒來。

芙蓉三首

自從混沌死。世界孰其雄。一嶽排元氣。群山趨下風。曠

車驚欲墜。天勢失穹窿。帝亦鏟不得留之。鎮大東。不知高幾許。但覺逼乾坤。冰雪無冬夏。雲煙有吐吞。人稱三國。一天放獨峯。尊背上負如劍。寶山真小孫。經始果何歲。化兒多費工。八方無向背。一白只玲瓏。彼自慶。尊大視。人如蠟蠟誰能凌。絕頂挺擊碎龍窟。

宿植松東潭宅

一尊重碧話平生。暮雨深沈故舊情。酒醒燈殘人未寢。曉風已送驛鈴聲。

入豆州界

青袍久已誤儒生。贏馬程程又豆州。闊樹色高雙嶺出。

嶽蓮光逆滿空流海風慘澹吹寒雨天意蒼茫結古愁
鬼武用兵何地是南雲一望跡悠悠

函嶺二十韵

早發三島驛亂峯吐丹曦曠巖起寒色紅葛罩枯枝翠
磴如龍脊石比作之而登登曷可已馬足簫雲危背指
杳已邈前路尚委蛇一重又一重峯峯出逾奇孖峯峯名
忽當面崖絕俯風漪何水渟為湖展此青琉璃山靈巧
亦甚把人當戲嬉斷崿故蔽目及茲忽放開水次即置
郵炊煙散午絲嚴乎要害地重關正維持喬木森遮日
石勢何欵噐奔泉下噴密腳底闔鳴雷一日八十里登

降我馬疲首俛尻倍高不容捷足馳坂盡盼平禁裏煙
已婁其今見孤兔穴金湯舊城池善哉蜀門鉛亦惟德
為基區區北條氏焉用此險為

高輪望海

樓臺籠海岸海岸一弓彎蒼波杳渺帆影與鷗閒將
謂東南天地盡依微乍落總房山

抵江戶寫卷先輩致遠宅二首

廿年重到故人堂一笑依前具酒觴且喜座中多舊雨
共驚頭上帶新霜摩天皂鶲何其厲委地黃花也自香
莫向侯門頻說項老來心怯近聲光

致酒論文夕復晨偶然萍寄五經前名流一代無多子
知己千年有幾人臺閣鵝鸞非故舊滄洲鷗鷺是文親
掃門乞火吾何敢擬買煙波卜釣隣

備後被成羨天琛
門人江戶嶺田雋士德較訂

星巖丙集卷七

